

INUIT ATAQATIGIIT

Inatsisartuni



UKA 2017/57
10. okt. 2017
Aaja Chemnitz Larsen

**Innuttaasut qarasaasiakkut toqqaannartumik kigutilerisumut piffissamik
inniminniisalernissaannut periuutsimik ineriertortitseqquullugit
pilersitseqquullugillu Naalakkersuisut peqquneqarnissaannik Inatsisartut
aalajangiiffigisassaattut siunnersuut.**

(Inatsisartunut ilaasortaq Justus Hansen, Demokraatit)

Siunnersuuteqartoq qujanaq siunnersuutinnut.

Peqqinnissaqarfimmi pitsannguutit innuttaasut peqqinnissaqarfip sullissinernik atuisinnaanerannik pitsannguisut tunngaviusumik Inuit Ataqatigiit illorsorpaat. Inuit Ataqatigiittaaq suliniutit suut peqqinnissaqarfimmik pisariillaataasinnaanerat misissussallugu soqtiginartuttipaat, ilaatigut interneti atorlugu sullinneqarnerit. Siunnersuuteqartup nassuaaneratut nittartagaq atorlugu peqqinnissaqarfimmik www.doktor.gl attaveqarsinnaanermik iisartagassanillu pissarsisinnaaneq pitsaasumik misilittagaqarfigineqarpoq.

Ullumikkornit naligiinnerusumik kigutileritinnissamut periarfissaqarnissap qulakkeernissaa pingaaruteqarpoq, tamatumanimi inuuniarnikkut tunuliaquuttat apeqquaallutik naligiinngitsumik periarfissiisoqarpoq.

Ullumikkut kikkut tamarmik interneteqanngillat, piffinnilumi amerlasuuni periarfissaq tamanna akisuvoq. Naallu nunatsinni atuakkanik atorniartarfinni internetersinnaanermut periarfissiisoqaraluartoq, taamaattoq

INUIT ATAQATIGIIT

Inatsisartuni



innuttaaqatigiaanut tamanut peqqunnissakkut neqeroorutit qanoq nukittorsarsinnaaneri misissussallugit pisariaqarpoq.

Innuttaasut 92 procentiinut internetersinnaanerup nukittorsaavigineqarnissaa TELE-POST-ip pilersaarusrusiorpaa, tamatumali nassatarisaanik innuttaasut 8 procentii ilaatigut Qaanaami, Ittoqqortoormiini Tasiilamilu najugaqartut ineriaartornermut tassunga ilaatinneqanngillat, isumarpullu naapertorlugu tamanna naligiinngitsumik ineriaartornermik eqqumaffigisariaqakkatsinnik pilersitsivoq.

Meeqqat kigutigissuunissaata pinaveersaartitsinerullu aallunnissaat pingaartoq Inuit Ataqatigiit isumaqarput. Kalaallit Nunatsinni kigutileritinneq innuttaasunut akeqanngilaq, innuttaasulli kigutilerinerat pitsasuussappat pitsangorsaasoqartariaqarpoq.

Massakkut aningasaqarnikkut periarfissat iluanni ineriaartuutissat suut ajornannginnersut Naalakkersuisut nalilersortariaqaraat Inuit Ataqatigiit isumaqarput. Kigutilerinikkut neqeroorutit nittartakkakkut inniminniisarneq pilersitsinissamut ineriaartortsinissamullu aningaasaliisoqarnissaa pissutigalugu ajorerulersinneqassanngillat, pisariillisaasinnaanermullu periarfissat allat qissimigaardeqartariaqarput.

Inuit Ataqatigiit taamaalillutik Naalakkersuisut allannguutissatut siunnersuutaat taperserpaat.